

# GIUANNI LECCIS

Giuanni Leccis est unu eroi de importu de sa segundu Gherra Mondiali. Nàsciu in Domunoas in su 1921 ma crèsciu in Gonnos, Leccis iat inghitzau a fai su militari in su 1941, sceberendi cun voluntadi manna de essi Guastadori in su de XXXI Bataglioni de su Gèniu. Custu corpu militari andàt a innantis asuta de su fogu nemigu po firmari is minas e sciusciai is reticolaus, aberrendu su caminu a is àterus sordaus. Apustis betallas medas, sa sorti sua at incruau sa batalla de Tobruk in su mesi de làmpadas 1942.

Una serata dedicata alla condivisione di esperienze, parole e punti di vista, in cui il dialogo diventa il vero protagonista. Pagu oras a innantis de s'atacu de acabbu, in una litera a sa mamma, litera famada e chi tocat su coru, su sordau iat scrittu chi boliat essi su primu a segai sa difesa de is nemigus, sceberendi s'arriscu de s'ùrtimu sacrificziu po sa Patria sua.

A s'orbescidroxu de su 20 de làmpadas Leccit fiat passau de is fueddus a sa realtadi: chi puru dd'iant fertu po duas bortas, iat sighiu a si portai asuta de is reticolaus de is ingresus. Cun coràgiu mannu, iat imperau is tubus esplosivus po fai scopiai su logu afortiau.

Candu fiat arrennèsciu a aberri su giassu, Leccis iat mantènniu sa promissa chi iat fatu a sa mamma: fiat stètiu su primu a intrai in su logu afortiau de Tobruk, ma su caminu suu si fiat firmau pagu apustis, candu unu corpu balla ddi fiat fertu me is peturras, bocendiddu. Is testimòngius nant chi s'est mortu circhendi de agiudai su comandanti suu. A cust'òmini balenti dd'ant donau sa medàllia de Oru a su Balori Militari a sa memòria.

